

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

Rhif: 6

Rhif y Cais: C26/0046/34/LL

Dyddiad Cof-restru: 29/01/2026

Math y Cais: Llawn

Cymuned: Clynnog

Ward: Clynnog

Bwriad: Cais ar gyfer gweithrediad gwaith deunyddiau gwastraff anadweithiol, ailgylchu, sgrinio ac adfer

Lleoliad: Cefn Graianog, Llanllyfni, Caernarfon, Gwynedd, LL54 6SY

Crynodeb o'r Argymhelliad: CYMERADWYO GYDAG AMODAU.

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

1. Disgrifiad:

- 1.1 Mae hwn yn gais i weithredu gwaith ar gyfer deunyddiau gwastraff anadweithiol, ailgylchu, sgrinio ac adfer yn chwarel Cefn Graianog. Lleolir y safle yn yr ardal brosesu mwynau sydd wedi hen sefydlu yn Chwarel Cefn Graianog gan ddefnyddio'r isadeiledd bresennol a'r trefniadau mynediad i gerbydau.
- 1.2 Bydd y cynnig yn galluogi mewnfurio, storio, trin a chyfuno ffrydiau gwastraff anadweithiol penodol i gynhyrchu priddoedd, amnewidyddion pridd ac agregau eilaidd. Byddai'r datblygiad hwn yn lleihau'r ddibyniaeth ar dirlenwi ac yn gostwng yr angen am ddeunyddiau sylfaenol (newydd sbon). Dywed yr ymgeisydd mai'r prif sbardun i'r datblygiad hwn yw mewnfurio tywod a graean wedi ei garthu o waith fel safle Carreg yr Imbill, Cyngor Gwynedd, sy'n ymgymryd a gwaith carthu o'r môr yn y fynedfa i Harbwr Pwllheli. Er mai mwynau ydynt o ran natur, caiff y deunydd yma ei ddsbarthu fel gwastraff ac felly mae angen caniatâd cynllunio ar gyfer ei fewnfurio a'i brosesu. Mae peiriannau sgrinio eisoes yn eu lle; ac felly mae'r cais yn ymwneud â mewnfurio deunydd a'i brosesu gan ddefnyddio'r peiriannau presennol.
- 1.3 Mae'r bwriad yn golygu ailgylchu ac adfer y deunyddiau gwastraff anadweithiol a gyfyd yn bennaf o waith carthu, cloddio a gweithgareddau dymchwel. Byddai'r gwaith prosesu yn cael ei gyfyngu i driniaeth ffisegol, gan gynnwys sgrinio a thrin cysylltiedig, i gynhyrchu agreg nad yw'n wastraff yn unol â chynllun Protocol Ansawdd WRAP (*Waste and Resources Action Programme*). Mae'r safle eisoes yn prosesu deunydd mwynau, ac felly mae'r datblygiad arfaethedig yn debyg o ran ei natur i'r gweithrediadau presennol, er bod hyn yn golygu cludo gwastraff i'r safle. Byddai'r holl weithgareddau yn digwydd ar y llain galed bresennol. Y bwriad yw bod cyfnod y datblygiad yn rhwymedig i'r oes a ganiatawyd i'r chwarel, a'r gwaith adfer a wnaed fel rhan o'r cynllun adfer a gymeradwywyd.
- 1.4 Mae'r bwriad eisiau trin 50,000 tonn o wastraff y flwyddyn, gydag uchafswm o 20,000 tonn (tua 10,000m³) yn cael ei storio ar y safle ar unrhyw adeg. Mae'r ymgeisydd wedi rhestru'r mathau a ganlyn o wastraff o'r Canllaw Technegol Dosbarthiad Gwastraff WM3 sydd i'w cludo i'r safle a'u trin yno.
- 01 04 08 – graean gwastraff a cherrig mâl
 - 01 04 09 – tywod gwastraff a chlai
 - 17 05 04 – pridd a cherrig ac eithrio'r rhai a nodwyd yn 17 05 03
 - 17 01 01, 17 01 02, 17 01 03 – concridd, brics, teils a deunydd serameg
 - 17 01 01 - cymysgfa o goncridd, brics, teils a deunydd serameg (heb gynnwys y rhai y soniwyd amdanynt yn 17 01 06)
 - 17 03 02 – seiliau ffordd a phlaeniadau (ac eithrio'r rhai sy'n cynnwys coltar)
 - 17 05 06 – gwastraff carthu ac eithrio'r rhai a nodwyd yn 17 05 05
 - 20 02 02 – pridd a cherrig
- 1.5 Daw'r deunydd i'r safle drwy'r trefniadau presennol i gerbydau ar hyd y ffordd o'r A487 a bydd dŵr wyneb yn cael ei gadw a'i gyfeirio i lagŵn dyddodion i gael ei ail-ddefnyddio yn y chwarel, heb unrhyw ddŵr yn cael ei waredu oddi ar y safle. Bydd yr oriau gweithredu a'r amodau gweithio yn cydfynd â'r rhai sydd eisoes wedi eu sefydlu ar gyfer Chwarel Cefn Graianog.
- 1.6 Nid yw'r datblygiad arfaethedig yn unol â'r categorïau o ddatblygiad a nodir yn Atodlen 1 Rheoliadau Cynllunio Gwlad a Thref (Asesiad Effaith Amgylcheddol) (Cymru) 2017. Er hynny, mae'r datblygiad yn syrthio o fewn y disgrifiad o ddatblygiad sydd wedi'i nodi yn Atodlen 2, y Rheoliadau, yn benodol Paragraff 11 'Prosiectau Eraill', (b) 'Gosodiadau ar gyfer cael gwared o wastraff (oni bai ei fod wedi'i gynnwys yn Atodlen 1)', (ii) 'mae'r ardal ar gyfer y datblygiad yn fwy na 0.5 hectar'.

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

- 1.7 Mae Gweinyddiaeth Tai, Cynllunio, Cymunedau a Llywodraeth Leol Llywodraeth y DU wedi cyhoeddi canllaw ar drothwyon sgrinio dangosol i ddatblygiad Atodlen 2 dan y Rheoliadau Cynllunio Gwlad a Thref (Asesiad Effaith Amgylcheddol) 2017. Er bod y canllaw hwn yn ymwneud â'r Rheoliadau yn Lloegr (Llywodraeth Ganolog) ac nad yw'n gymwys yng Nghymru yn uniongyrchol, mae strwythur a chynnwys Rheoliadau Cymru yn gymharol debyg.
- 1.8 O'r herwydd, ystyrir fod y canllaw yn gyfeiriad defnyddiol i lywio'r broses sgrinio ac i benderfynu os yw datblygiad arfaethedig yn debygol o arwain at effeithiau amgylcheddol sylweddol fydd angen Asesiad Effaith Amgylcheddol.

Mae'r canllaw (Saesneg yn unig) yn cynghori yn 11 (b);
“Installations (including landfill sites) for the deposit, recovery and/or disposal of household, industrial and/or commercial wastes where new capacity is created to hold more than 50,000 tonnes per year, or to hold waste on a site of 10 hectares or more. Sites taking smaller quantities of these wastes, sites seeking only to accept inert wastes (demolition rubble etc.) or Civic Amenity sites, are unlikely to require Environmental Impact Assessment.”

Felly, mae hi'n amlwg nad yw disgrifiad Colofn 1 ym mharagraff 11 yn hollol gyfyngedig i 'war-edu' gwastraff ac y dylai unrhyw osodiad sy'n dyddodi, adfer neu yn cael gwared ar wastraff gael ei ystyried fel a gynhwyswyd yn y paragraff hwn.

- 1.9 Wedi sgrinio ac asesu'r bwriad yn erbyn y meini prawf yn Atodlen 3 y Rheoliadau, ystyrir na fyddai effeithiau tebygol y datblygiad ar yr amgylchedd yn sylweddol. O'r herwydd, ni ystyrir bod angen cyflwyno Asesiad Effaith Amgylcheddol i gefnogi'r cais cynllunio.

2. Polisiau Perthnasol:

- 2.1 Mae Adran 38(6) Deddf Cynllunio a Phrynu Gorfodol 2004 a pharagraff 2.1.2 Polisi Cynllunio Cymru yn pwysleisio y dylid penderfynu ar geisiadau cynllunio yn unol â'r Cynllun Datblygu, oni bai bod ystyriaethau perthnasol yn nodi fel arall. Mae ystyriaethau cynllunio yn cynnwys y Polisi Cynllunio Cenedlaethol a'r Cynllun Datblygu Lleol.
- 2.2 Mae Deddf Llesiant Cenedlaethau'r Dyfodol (Cymru) 2015 yn rhoi dyletswydd ar y Cyngor i ymgymryd â chamau rhesymol wrth arfer ei swyddogaethau i gyflawni'r saith nod llesiant sydd yn y Ddeddf. Mae'r adroddiad hwn wedi'i baratoi gan ystyried dyletswydd y Cyngor a'r 'egwyddor datblygu cynaliadwy', fel sydd wedi'i nodi yn Neddf 2015. Wrth ffurfio'r argymhelliad mae'r Cyngor wedi ceisio sicrhau bod anghenion y presennol yn cael eu diwallu heb beryglu gallu cenedlaethau'r dyfodol i ddiwallu eu hanghenion hwythau.
- 2.3 **Cynllun Datblygu Lleol ar y Cyd Gwynedd a Môn 2011-2026 a fabwysiadwyd ar 31 Gorffennaf 2017**
- Polisi Strategol PS 1: Yr Iaith Gymraeg a'r Diwylliant Cymreig
 - Polisi Strategol PS 4: Trafnidiaeth Gynaliadwy, Datblygiad a Hygyrchedd
 - Polisi Strategol PS 5: Datblygu Cynaliadwy
 - Polisi Strategol PS 13: Darparu Cyfleoedd ar gyfer Economi Ffyniannus
 - Polisi Strategol PS 19: Gwarchod a lle bo'n Briodol Gwella'r Amgylchedd Naturiol.
 - Polisi Strategol PS 21: Rheoli gwastraff
 - Polisi Strategol PS 22: Mwynau
 - AT 4: Diogelu Safleoedd Archeolegol nad ydynt wedi'u Dynodi a'u Gosodiad
 - AMG 1: Cynlluniau Rheolaeth Ardaloedd o Harddwch Naturiol Eithriadol
 - AMG 3: Gwarchod a Gwella Nodweddion a Rhinweddau sydd yn unigryw i Gymeriad y Dirwedd Leol
 - AMG 5: Cadwraeth Bioamrywiaeth Leol
 - PCYFF 2: Meini Prawf Datblygu
 - PCYFF 6: Cadwraeth Dŵr

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

- MWYN 1: Diogelu adnoddau mwynau
- MWYN 5: Parthau Byffer o amgylch Safleoedd Mwynau
- MWYN 9: Adfer ac Ôl-ofal
- GWA 1: Darparu Isadeiledd Rheoli Gwastraff ac Ailgylchu
- GWA 2: Safleoedd Rheoli Gwastraff ac Ailgylchu
- Canllaw Cynllunio Atodol - Cynnal a Chreu Cymunedau Unigryw a Chynaliadwy 2019

2.4 **Polisiâu Cenedlaethol: Polisi Cynllunio Cymru (PCC) (Argraffiad 12, 2024)**

- Polisi Cynllunio Cymru (PCC Argraffiad 12, 2024).
- Cymru'r Dyfodol – Y Cynllun Cenedlaethol 2040.
- Nodyn Cyngor Technegol (NCT) 5: Cadwraeth natur a chynllunio
- Nodyn Cyngor Technegol 11:Sŵn
- Nodyn Cyngor Technegol 12: Dylunio
- Nodyn Cyngor Technegol 18: Trafnidiaeth
- Nodyn Cyngor Technegol 20: Cynllunio a'r Iaith Gymraeg
- Nodyn Cyngor Technegol 21: Gwastraff
- Nodyn Cyngor Technegol 23: Datblygiad economaidd
- Nodyn Cyngor Technegol 24: Yr amgylchedd hanesyddol
- Nodyn Cyngor Technegol Mwynau 1 (NCTM1): Agregau

3. **Hanes Cynllunio Perthnasol:**

- C24/1126/34/AC 'Cais o dan Adran 73 i amrywio amod 1 ar ganiatâd cynllunio, cyfeirnod C20/1065/22/AC i ganiatáu estyniad o 4 blynedd i gwblhau gweithrediadau mwynau a gwaith adfer. - Rhoddwyd caniatâd ar 28/11/2025.
- C24/1125/34/AC 'Cais dan Adran 73 i amrywio amod 2 ar ganiatâd cynllunio, cyfeirnod C20/1064/22/AC i ganiatáu estyniad o 4 blynedd i gwblhau gweithrediadau mwynau a gwaith adfer.' Rhoddwyd caniatâd ar 27/11/2025.
- C24/1124/34/AC 'Cais o dan Adran 73 i amrywio amod 1 o ganiatâd cynllunio cyfeirnod C20/1063/22/AC (estyniad dwyreiniol arfaethedig ar gyfer echdynnu tywod a graean ac adfer yn raddol) i ganiatáu estyniad o 4 blynedd i gwblhau gweithrediadau mwynau ac adfer.' – Rhoddwyd caniatâd ar 08/09/2025.
- C20/1065/22/AC 'Cais o dan Adran 73 y Ddeddf Cynllunio Gwlad a Thref i amrywio amod 1 ar ganiatâd cynllunio C10D/0487/34/MW i ymestyn oes y gwaith chwarela a'r gweithrediadau prosesu cysylltiedig am bedair blynedd arall er mwyn gallu cwblhau gwaith mwynau a blwyddyn ychwanegol i gwblhau'r gwaith adfer' - Rhoddwyd caniatâd ar 15/04/2021.
- C20/1064/22/AC 'Cais o dan Adran 73 Deddf Cynllunio Gwlad a Thref i amrywio amod 1 ar ganiatâd cynllunio C15/0299/34/MW (adeiladu 3 lagŵn siltio ategol a gwaith cysylltiedig i ddarparu'r capasiti angenrheidiol i alluogi gwaith mwynau sy'n parhau a darparu system gaeedig ar gyfer rheoli dŵr o'r chwarel ar y safle) i ganiatáu estyniad pedair blynedd mewn cysylltiad â'r gwaith mwynau a blwyddyn ychwanegol i gwblhau'r gwaith adfer.' - Caniatwyd ar 15/04/2021.
- C20/1063/22/AC 'Cais o dan Adran 73 Deddf Cynllunio Gwlad a Thref i amrywio amod 1 ar ganiatâd cynllunio C16/0816/34/MW (estyniad dwyreiniol arfaethedig i echdynnu tywod a graean a gwaith adfer graddol) i ganiatáu estyniad pedair blynedd i gwblhau gweithrediadau mwynau a blwyddyn ychwanegol i gwblhau'r gwaith adfer' - Rhoddwyd caniatâd ar 15/04/2021.
- C16/0816/34/MW ' Estyniad dwyreiniol arfaethedig er mwyn echdynnu tywod a graean a gwaith adfer graddol' - Caniatwyd gydag amodau ar 18 Tachwedd 2016.
- C15/0299/34/MW Caniatwyd gydag amodau ar 22 Mehefin 2015 – Adeiladu 3 lagŵn siltio ategol a gwaith cysylltiedig i ddarparu'r capasiti angenrheidiol i allu parhau i weithio'r mwynau a darparu system gaeedig i reoli dŵr chwarel ar y safle.
- C10/0487/34/MW - Cyflwynwyd y cais gydag Asesiad Effaith Amgylcheddol. Rhoddwyd caniatâd cynllunio gydag amodau ar 23 Awst 2011 i amrywio amodau ar ganiatâd cynllunio presennol er mwyn ymestyn oes y gwaith chwarela tan 31 Rhagfyr 2020 ac amrywio cynllun gwaith dan amodau 1 a 2 o ganiatâd cynllunio 2/14/12G a C00D/0487/34/MW.

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

- Mae gan y safle hanes hir o gloddio tywod a graean, hanes sy'n dyddio'n ôl i'r caniatâd cynllunio cynharaf a roddwyd ym mis Mai 1958, a cheir tystiolaeth ddogfennol fod y gwaith wedi cyflenwi deunyddiau ar gyfer nifer o gontractau peirianeg sifil mawr yn yr ardal, gan gynnwys Gorsaf Bŵer Dinorwig, Argae Stwlan a nifer o gontractau gwella ffyrdd lleol. Mae'r caniatadau isod yn benodol i ardal y cais. Yn ystod y blynyddoedd diwethaf, mae'r safle wedi bod yn weithredol o dan ganiatâd cynllunio 2/14/16G a roddwyd ar 1 Mawrth 1996, sy'n cynnwys ardal brosesu Cefn Graianog a'r gweithrediadau echdynnu ar Fferm Graianog. Rhoddwyd caniatâd pellach, C00D/0005/34/MW, ym mis Mai 2000 i amrywio amodau 1 a 2 o'r caniatâd hwn i addasu trefn y gweithrediadau echdynnu. Roedd yr amrywiad hwn yn fodd i'r gweithrediad gyfuno gwahanol fathau o fwynau ar wyneb y gwaith i gwrdd â gofynion cynhyrchu/gwerthiant ac i resymoli'r drefn o adfer graddol.

4. Ymgynghoriadau:

Cyngor Cymuned:

Derbyniwyd ymateb ar 18/02/2026:

Yn dilyn o gyfarfod cyngor cymuned Clynnog Fawr ar nos Fawrth 17eg o Chwefror 2026 ble trafodwyd y cais cynllunio hwn, nid oedd dim gwrthwynebiad.

Uned Trafnidiaeth Cyngor Gwynedd:

Dim sylwadau wedi'u derbyn.

Gwasanaeth Gwarchod y Cyhoedd Cyngor Gwynedd (Iechyd yr Amgylchedd):

Derbyniwyd ymateb ar 14/05/2026:

Dehongliad y Gwasanaeth o'r cais gwreiddiol oedd mai'r bwriad oedd cynnwys gweithgaredd ychwanegol i'w ymgymryd ar yr un pryd â pheiriannu presennol y chwarel, gan gynyddu lefel y gweithrediadau yn effeithiol ar y safle, ynghyd â'r posibilrwydd i gyflwyno mwy o offer a pheiriannau.

Ar sail hynny, mae safbwynt y Gwasanaeth fel a ganlyn:

- Os nad oes unrhyw beiriannau ychwanegol yn dod i'r safle i reoli'r gwastraff, yna nid oes unrhyw wrthwynebiad i'r gosodiad fel y nodir isod.
- Fodd bynnag, argymhellir bod amod sŵn yn cael ei gynnwys i unrhyw ganiatâd i sicrhau bod gweithrediad y safle yn parhau o fewn y cyfyngiadau derbyniol.
- Pe byddai'r ymgeisydd yn bwriadu cyflwyno peiriannau ychwanegol i hwyluso'r gweithgaredd yma, byddai angen asesiad effaith sŵn i ddangos na fyddai'r gweithrediadau cynyddol yn golygu effeithiau annerbyniol.

Derbyniwyd ymateb ar 17/04/2026:

Rydym yn cydnabod y bydd y gweithgaredd arfaethedig yn cael ei reoli o dan Reoliadau Trwyddedu Amgylcheddol (Cymru a Lloegr) 2016 gan Gyfoeth Naturiol Cymru (CNC). Fodd bynnag, nodir bod systemau cynllunio a thrwyddedu amgylcheddol ar wahân, ac nid yw bodolaeth trwydded amgylcheddol, neu'r bwriad i gael un, ddim yn cael gwared ar yr angen i asesu effeithiau defnydd tir, gan gynnwys yr effeithiau ar fwynderau ar dderbynyddion sensitif cyfagos. Pwrpas yr asesiad yw dangos na fydd sŵn gweithredu yn arwain at effeithiau andwyol sylweddol ar fwynderau preswyl, o gofio am y canllawiau perthnasol (e.e.BS 4142, Canllawiau Sefydliad Iechyd y Byd, TAN 11, Effeithiau seinwedd Cymru).

Nid yw rheoli sŵn gyda thrwydded amgylcheddol yn cael

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

gwared ar y gofyniad am asesiad o'r fath.

Mae trwyddedu amgylcheddol (CNR) yn rheoli allyriadau a rheoli llygredd o'r gosodiad (gan ddefnyddio BAT, amodau trwydded, cynlluniau rheoli, ac ati), ac yn ystod y wedd gynllunio, rhaid i'r ymgeisydd allu dangos na fydd gan y datblygiad effaith negyddol ar drigolion cyfagos, felly dyma yw'r rheswm am ofyn am asesiad sŵn i ddangos na fydd y datblygiad yn cynyddu'r sŵn yn yr ardal.

Derbyniwyd ymateb ar 05/03/2026:

Ansawdd Aer

Mae gweithgaredd arfaethedig safle'r cais yn ei hanfod yn cynhyrchu llwch, gan gynnwys o symudiadau cerbydau, dadlwytho gwastraff sych, gweithrediadau sgrinio a phentyrru stoc. Mae'r asesiadau a gyflwynwyd yn adnabod nifer o dderbynyddion sensitif, yn cynnwys eiddo preswyl (yr agosaf tua 205 m i ffwrdd) a llwybrau hamdden. Rydym wedi ystyried gwyntoedd amlwg (o'r de orllewin i'r gogledd ddwyrain), gyda mwy o risg yn cael ei adnabod i dderbynyddion a leolir i lawr oddi wrth y gwynt. Mae'r Gwasanaeth yn derbyn y wybodaeth sydd yn y Cynllun Rheoli Cyrchfan (DMP), sy'n amlinellu'r mesurau priodol i reoli llwch ar y safle. Bydd y mesurau i reoli llwch a amlinellir yn y DMP yn cael eu gweithredu. Fodd bynnag, nid yw'r DMP yn ymdrin â'r risgiau iechyd posib sy'n gysylltiedig gyda deunydd mân ronynnau (PM₁₀ a PM_{2.5}) mewn lleoliadau derbynyddion sensitif. Dywed yr ERA “*particulate emissions can arise from the deposit of potentially dry or dusty wastes, uncovered dusty waste deposits, un-vegetated areas, vehicle movements on unpaved or dusty roads, and settlement of surface water run-off laden with suspended solids*”. O gofio am y risgiau posib sy'n gysylltiedig â mân ronynnau, mae'r Gwasanaeth yn cefnogi ei argymhellion sy'n gyson gyda'r sylwadau a wnaed yn y cyfnod cyn cyflwyno cais, bod asesiad ansawdd aer yn cael ei gynnal.

Sŵn

Mae'r Asesiad Risg Amgylcheddol (Cyf: K0642-ENV-R002-04, Awst 2025) yn nodi bydd y gweithgareddau arfaethedig “*will utilise the same or similar plant as is currently in operation onsite, and that associated noise emissions are not expected to exceed levels typical of existing quarry operations. The nearest residential property (approximately 205 m east-south-east), along with other properties at greater distances (325–780 m), is therefore unlikely to experience significant additional noise*”. Rhaid i'r ymgeisydd ddarparu tystiolaeth i ddangos na fydd y gweithrediadau arfaethedig yn golygu cynnydd yn sŵn cyffredinol y safle. Argymhellir bod asesiad sŵn yn cael ei gynnal i gadarnhau bod y cyfuniad sŵn o weithrediadau'r chwarel a'r gweithgareddau arfaethedig ddim yn fwy na 55 dB LAeq (1 awr), maes agored yn y derbynnydd agosaf sy'n sensitif i sŵn. Pe byddai lefelau'r sŵn yn fwy na 55 dB LAeq (1 awr), rhaid gweithredu mesurau lliniaru priodol. Mae'r gwasanaeth yn cytuno gyda'r mesurau lliniaru a amlinellir yn y cyflwyniad sy'n pwysleisio, pe byddai cwyn am sŵn yn cael ei dderbyn, bydd gofyn wedyn i'r ymgeisydd benodi ymgynghorydd sŵn addas a chymwys i gynnal gwaith monitro. Bydd hyn yn sicrhau bod cydymffurfiaeth barhaus gyda amod

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

sŵn presennol y safle, h.y. bod y lefelau sŵn a gyfyd o weithrediadau ddim mwy na 55 dB LAeq (1 awr), maes agored mewn unrhyw dderbynnydd preswyl sy'n sensitif i sŵn.

Oriau gweithredu

Mae'r ddogfen Cynllun Rheoli Amgylcheddol (Environmental Management Plan, Awst 2025) yn cynnwys yr oriau gweithredu. Mae'r Gwasanaeth yn argymhell bod yr oriau hyn yn cael eu hamodi pe byddai'r cais yn cael ei gymeradwyo. Bydd y gwaith o ailgylchu deunyddiau gwastraff, sgrinio a gweithgareddau adfer ond yn digwydd rhwng: 07:00–17:00 dydd Llun–dydd Gwener 08:00–12:30 dydd Sadwrn Dim gweithrediadau ar ddyddiau Sul na Gŵyl y Banc.

Uned Bioamrywiaeth Gwynedd:

Derbyniwyd ymateb ar 24/03/2026:

Mae'r Systemau Gwybodaeth Ddaearyddol (GIS) wedi ei gynhyrchu i safon dda. Mae'r datblygiad yma yn dilyn y dull fesul cam, nid oes dim gwrthwynebiad.

Gwasanaeth Cefn Gwlad a Gwasanaeth Mynediad (Hawliau Tramwy Cyhoeddus) Cyngor Gwynedd:

Dim sylwadau wedi'u derbyn.

Corff Cymeradwyo SuDS Cyngor Gwynedd:

Derbyniwyd ymateb ar 23/02/2026:

Yn seiliedig ar y wybodaeth sydd ar gael, nid yw'n glir a yw'r datblygiad hwn yn bodloni'r meini prawf a nodir yn Atodlen 3 o Ddeddf Rheoli Llifogydd a Dŵr 2010, a'r trothwyon cysylltiedig a fyddai'n golygu bod angen cais SDC. Er mwyn eglurder, o dan y canllawiau presennol, mae'n ofynnol i ddatblygiadau sy'n cynnwys un neu fwy o anheddau neu ardal adeiladu o 100m² neu fwy gael cymeradwyaeth CCS cyn adeiladu.

Nid oes gennym unrhyw wrthwynebiadau i'r cais cynllunio. Noder y bydd cymeradwyaeth y SAB yn amodol ar asesiad llawn yn ystod y broses ymgeisio ffurfiol am y SAB.

Mae rhagor o fanylion ynghylch y broses ymgeisio CCS ar gael drwy'r ddolen ganlynol
<https://www.gwynedd.llyw.cymru/cy/Trigolion/Cynllunio-a-rheolaeth-adeiladu/Cynllunio/SystemauDraenio-Cynaliadwy.aspx>

Cyngor Gwynedd Awdurdod Arweiniol Llifogydd Lleol (Uned Dŵr a'r Amgylchedd YGC):

Dim sylwadau.

Asiant Cefnffyrdd Gogledd a Chanolbarth Cymru (ACGChC):

Derbyniwyd ymateb ar 19/02/2026:

Cyfeiriaf at eich ymgynghoriad ar 03/02/2026 ynglŷn â'r cais cynllunio uchod ac fe'ch cynghorwn nad yw Llywodraeth Cymru, yr awdurdod priffyrdd ar gyfer cefnffordd yr A487, wedi

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

cyhoeddi cyfarwyddyd mewn perthynas â'r cais hwn.

Os oes gennych unrhyw ymholiadau pellach, anfonwch nhw i Flwch Post Llywodraeth Cymru NorthandMidWalesDevelopmentControlMailbox@gov.wales

AHNE:

Dim sylwadau wedi'u derbyn.

CADW:

Derbyniwyd ymateb ar 18/02/2026:

Diolch ichi am eich llythyr yn gwahodd ein sylwadau ar y wybodaeth a gyflwynwyd ar gyfer y cais cynllunio uchod.

Cyngor

Mae'r ymateb yma wedi ei seilio ar y cyngor a ddarparwyd gan Swyddog Cynllunio Amgylchedd Hanesyddol Cadw.

Ar ôl ystyried yn ofalus y wybodaeth a ddarparwyd, nid oes gennym unrhyw wrthwynebiad i'r datblygiad arfaethedig yng nghyswllt yr henebion cofrestredig na'r parciau a'r gerddi hanesyddol cofrestredig a restrwyd yn ein hasesiad o'r cais isod.

Mae'r polisi cenedlaethol a rôl Cadw wrth gynllunio wedi'u nodi yn Atodiad A.

Asesiad

Henebion Cofrestredig

CN067 Pentref Hynafol Caerau

CN098 Maen Hir a Charneddau Crynion Carneddog

CN115 Gwersyll y Foel

CN213 Croes wedi ei Harysgrifio ar Garreg ger Capel Uchaf

Lleolir yr henebion cofrestredig uchod o fewn 3km i'r datblygiad arfaethedig, ond mae'r topograffeg, adeiladau a llystyfiant yn rhwystr i'r holl olygfeydd rhyngddynt. O ganlyniad, ni fydd y datblygiad arfaethedig yn cael unrhyw effaith ar osodiadau'r asedau hanesyddol dynodedig hyn.

Mae'r datblygiad arfaethedig wedi'i leoli 350m i'r de-ddwyrain o heneb rhestredig CN098 Maen Hir a Charneddau Crynion Carneddog, ac mae ei agosrwydd yn golygu y gallai'r heneb gael ei heffeithio gan swm neu ffactorau eraill sy'n gysylltiedig â'r datblygiad arfaethedig.

Mae heneb rhestredig CN098 Maen Hir a Charneddau Crynion Carneddog yn cynnwys gweddillion maen hir a gweddillion dwy garnedd sy'n dyddio i'r Oes Efydd (tua 2300 - 800 CC). Mae'r maen hir yn 2.85 m o uchder ac yn 0.85 m o led a 0.6 m o drwch. Mae o siâp petryalog gydag ochrau llyfn, gwastad. Mae'r garnedd ogleddol yn 8m o ran diamedr, wedi ei hadeiladu o gerrig bach ac yn parhau ar uchder o 0.5 -0.6m. Adeiladwyd wal fodern dros ymyl de-ddwyrainiol y garnedd, gan gadw o leiaf tair ymylfaen yn y sylfaen. Mae tair ymylfaen arall yn weladwy, dwy ar yr ochr orllewinol ac un yn y gogledd. Mae'r garnedd ddeheuol yn fwy ac wedi ehangu allan yn fwy, gyda ychydig iawn o arwydd o'i maint a'i siâp gwreiddiol. Erbyn hyn mae yn dwmpath di-ffurf o gerrig, 25m x8m a 1,5 o uchder.

Ystyrir bod henebion angladdol a defodol o'r Oes Efydd wedi

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

cael eu lleoli fel bod ganddynt olygfeydd i ac o henebion ang-laddol cyfagos, nodweddion naturiol amlwg a safleoedd an-heddol cysylltiedig. Yn yr achos yma mae tomennydd llosg yn awgrymu presenoldeb anheddle dros y gwastadedd i'r dwyrain ac mae golygfeydd sylweddol i'r cyfeiriad yma, er bod y chwarel fodern yn Cefn Graianog yn torri ar draws y rhain, yn ogystal ag elfennau o'r heneb.

Cyfoeth Naturiol Cymru:

Derbyniwyd ymateb ar 27/05/2026:

Diolch am ymgynghori â Cyfoeth Naturiol Cymru (CNC) ar eich Asesiad Rheoliadau Cynefinoedd ar gyfer y datblygiad uchod, a dderbyniwyd gennym ar 26 Mai 2026.

Dylid ystyried ein hymateb fel cynrychiolaeth ffurfiol gan CNC, fel y corff natur priodol ar gyfer eich Asesiad Priodol (AA) dan Reoliad 63 y Rheoliadau Cadwraeth Cynefinoedd a Rhywogaethau 2017 (fel y'i diwygiwyd).

Wrth ystyried y mesurau lliniaru y manylir arnynt, rydym yn cytuno â'ch casgliad nad yw'r datblygiad yn debygol o gael effaith andwyol ar gyfanrwydd Ardal Cadwraeth Arbennig Corsydd Eifionydd ac nad oes angen ystyried hyn.

Derbyniwyd ymateb ar 17/02/2026:

Nid oes gennym unrhyw wrthwynebiad i'r datblygiad arfaethedig fel y'i cyflwynwyd a rhoddwn y cyngor a ganlyn.

Trwyddedu Amgylcheddol

Ar hyn o bryd mae'r gweithgaredd arfaethedig yn y cais cynllunio hwn yn gofyn am drwydded amgylcheddol neu eithriad dan Reoliadau Trwyddedu Amgylcheddol (Cymru a Lloegr) 2016.

Derbyniodd y safle drwydded amgylcheddol, Rhif Trwydded EPR/DB3598CW, dyddiedig 29/10/2025.

Tirweddau Cenedlaethol

Mae'r datblygiad wedi'i leoli o fewn 600 metr i Dirwedd Genedlaethol Llŷn/ Ardal o Harddwch Naturiol Eithriadol Llŷn (AHNE). Nodwn bod adran 6.7 o'r Datganiad Cynllunio Cefnogol gan Kedd Limited, Ionawr 2026 yn trafod y Dirwedd ac Effeithiau Gweledol y datblygiad arfaethedig.

'Rydym yn tybio bod eich Awdurdod wedi sgrinio'r cais ac wedi dod i'r casgliad bod unrhyw effeithiau ar y dirwedd yn annhebygol ac yn unol â Pholisi Cynllunio Cymru. Os ydych chi angen rhagor o gyngor yna ail-ymgynghorwch â ni.

Safleoedd Gwarchoddedig

Cyngor Gwynedd, Swyddfeydd y Cyngor, Ffordd y Cob, Pwllheli LL53 5AA.

Ein cyf/Our ref: CAS-299665-W7Q1

Eich cyf/Your ref: C26/0046/34/LL

Mae'r safle 500 metr oddi mewn i Ardal Cadwraeth Arbennig

(ACA) Corsydd Eifionydd a Safle o Ddiddordeb Gwyddonol Arbennig (SoDdGA) Cors Gyfelog.

Ardal Cadwraeth Arbennig (ACA) Corsydd Eifionydd

O'r wybodaeth a ddarparwyd, mae CNC yn ystyried cyn belled â bod y datblygwr yn cydymffurfio gyda'r Drwydded Amgylcheddol, sy'n gwarchod Ardal Cadwraeth Arbennig Corsydd Eifionydd (fyddai'n cael ei chymhwyso yn annibynnol o broses Asesiad Rheoliadau Cynefinoedd) ac ni fyddai'r bwriad yn golygu effaith sylweddol nac andwyol.

Rhaid i Gyngor Gwynedd, fel yr awdurdod cymwys, dan Reoliadau Cynefinoedd a Rhywogaethau 2017 (fel y'i diwygiwyd), cyn penderfynu rhoi caniatâd am brosiect sy'n debygol o gael effaith arwyddocaol ar safle ACA, naill ai ar ei ben ei hun neu drwy gyfuniad o gynlluniau neu brosiectau eraill, wneud asesiad priodol o oblygiadau'r prosiect ar gyfer y safle hwnnw o ystyried ei amcanion cadwraeth. Er dibenion yr asesiad, rhaid i chi ymgynghori â CNC ac ystyried unrhyw sylwadau a wnawn yn ystod cyfnod rhesymol o amser fel y nodir gennych chi. Yn absenoldeb yr asesiad hwn, ni all CNC roi sicrwydd na fyddai'r bwriad yn arwain at effaith andwyol ar yr ACA.

Safle o Ddiddordeb Gwyddonol Arbennig (SoDdGA) Cors Gyfelog

Ar yr amod bod y llwybrau effaith y cyfeiriwyd atynt uchod i'r ACA yn cael sylw, mae CNC yn ystyried y bydd nodweddion y SoDdGA hefyd yn cael eu diogelu'n ddigonol.

Diogelu Dŵr Daear

Mae'r Datganiad Cynllunio cefnogol gan Kedd Limited, Ionawr 2026 a'r Asesiad Risg Amgylcheddol, Cyfeirnod Adroddiad: K0642-ENV-R002-04, Awst 2025 ill dau yn datgan "*Given the waste types proposed to be accepted and processed at the site are inert soils and gravels originating from dredging, excavation and demolition activities, it is very likely these materials will contain low or negligible concentrations of potentially polluting substances*".

Nid yw'r ymgeisydd yn gallu bod yn sicr nad oes unrhyw bosibilrwydd i laid wedi'i halogi gael ei ymgorffori yn y deunydd gaiff ei garthu. Argymhellwn fod yr ymgeisydd yn sicrhau bod y deunyddiau a ddaw i'r safle yn nodi eu bod 'yn cynnwys crynodiadau isel neu ddibwys o sylweddau llygru'.

Mae'r Datganiad Cynllunio Gwastraff a'r Asesiad Risg Amgylcheddol yn awgrymu "Bydd y gweithgareddau yn digwydd ar lawr caled athraidd" a "Posibilrwydd cyfyngedig sydd i ddŵr glaw/dŵr wyneb dreiddio drwy'r llawr caled a mynd i'r tywod a'r graean ysgafn oddi tanodd ac i'r graig-wely lleidfaen".

Bydd arwynebau athraidd yn caniatáu i ddŵr wyneb dreiddio i'r strata oddi tanodd. Os oes unrhyw ansicrwydd am ansawdd y deunyddiau crai a ddaw i'r safle, rydym yn argymhell bod arwynebau nad ydynt yn athraidd yn cael eu gosod ble mae deunyddiau yn cael eu cadw a'u prosesu gyda draeniad wedi ei selio.

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

Rhywogaethau Gwarchoddedig

Ni chyflwynwyd unrhyw wybodaeth ecolegol, ond mae trafodaeth am y cefndir i'r asesiad ecolegol o'r safle wedi ei ddarparu yn adran 6.5 o'r Datganiad Cynllunio Cefnogol. Argymhellwn eich bod yn gofyn am gyngor gan ymgynghorydd ecolegol mewnol yr Awdurdod Cynllunio Lleol ynghylch y gofyniad am gyflwyno gwybodaeth bellach i gefnogi'r cais, yr angen am arolygon pwrpasol a sgôp yr wybodaeth bellach, lle mae angen hynny.

Materion Eraill

Mae'r cyngor yn y llythyr hwn yn ymwneud â materion sydd wedi'u cynnwys yn ein rhestr pynciau ymgynghori. Nid ydym yn diystyru'r potensial ar gyfer y datblygiad arfaethedig i effeithio buddion amgylcheddol eraill sydd heb eu cynnwys ar y rhestr hon.

Rydym yn cynghori'r ymgeisydd eu bod yn gyfrifol, yn ogystal â chael chaniatâd cynllunio, am sicrhau eu bod yn cael pob hawlen/caniatâd/trwydded sy'n berthnasol i'w datblygiad. Cyfeirwch at ein gwefan am fanylion pellach. Os oes gennych unrhyw ymholiadau ynghlŷn â'r uchod, mae croeso i chi gysylltu â ni.

Ymgynghoriadau Cyhoeddus: Rhoddwyd hysbysiad yn y wasg ac mewn sawl lleoliad yn agos at y safle gan roi gwybod i'r trigolion cyfagos. Mae'r cyfnod hysbysebu wedi dod i ben ac ni dderbyniwyd sylwadau gan y cyhoedd.

5. Asesiad o'r ystyriaethau cynllunio perthnasol

Egwyddor y datblygiad

- 5.1 Mae'r datblygiad arfaethedig ar gyfer mewnforio, storio, trin a chyfuno ffrydiau gwastraff anadweithiol penodol i gynhyrchu priddoedd, amnewidyddion pridd ac agregau eilaidd.
- 5.2 Mae Adran 5.13 o Bolisi Cynllunio Cymru a Pholisi GWA 1 yn berthnasol i'r bwriad yma. Mae Polisi Cynllunio Cymru yn nodi bod y system gynllunio yn chwarae rôl allweddol i hwyluso rheoli gwastraff cynaliadwy, tra'n sicrhau bod unrhyw effeithiau amgylcheddol andwyol yn cael eu lleihau. Mae hefyd yn pwysleisio'r angen i osgoi risgiau i iechyd dynol, gwarchod tirweddau dynodedig a natur safleoedd cadwraeth rhag datblygiad amhriodol, a diogelu mwynderau trigolion, a defnydd tir eraill a defnyddwyr a fedrai gael eu heffeithio gan gyfleusterau rheoli gwastraff presennol neu arfaethedig.
- 5.3 Dynodir safle'r cais yn y Cynllun Datblygu Lleol ar y Cyd i ddarpariaeth cyfleusterau rheoli gwastraff ac isadeiledd ailgylchu a nodwyd ym Mholisi GWA 1. Mae'r polisi yn nodi bod 'Cefn Graianog' yn safle sy'n addas i ddatblygiad 'Chwarel Drefol'. NCT 21: Gwastraff yn diffinio Chwareli Trefol ym mharagraff 3.24 (Saesneg yn unig) *“Where there are longer term prospects for a sufficient and economic supply of demolition and construction waste from an appropriate catchment area, it may be appropriate to identify a permanent recycling repository or ‘urban quarry’ for this purpose. Planning authorities should include criteria-based policies, or preferably identify suitable sites, to guide the location of repositories or ‘urban quarries’ for construction and demolition waste to avoid unnecessarily landfilling of inert waste.”*
- 5.4 Er bod y safle wedi ei dynodi ar gyfer defnydd rheoli gwastraff, mae polisi GWA 1 yn nodi *“Rhaid i unrhyw ddatblygiad newydd fod yn addas o ran maint a graddfa ac ni ddylai gael effaith andwyol ar y dirwedd, yr amgylchedd naturiol neu amwynder ac iechyd y boblogaeth leol. Dylai*

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

pob bwriad newydd ar gyfer cyfleusterau Rheoli Gwastraff gael eu hategu gydag Asesiad Cynllunio Gwastraff (fel y'i diffinnir gan Atodiad B o TAN 21, Gwastraff)."

- 5.5 Mae asesiad o addasrwydd y datblygiad, yn cynnwys ei effeithiau posibl ar olwg a chymeriad y dirwedd, mwynder preswyl ac ystyriaethau amgylcheddol, yn cael ei nodi yn y rhannau a ganlyn o'r adroddiad hwn. Daw'r asesiadau hyn i'r casgliad na fyddai'r bwriad yn golygu unrhyw effeithiau andwyol.
- 5.6 Cefnogir y cais gan Asesiad Cynllunio Gwastraff (WPA), sy'n darparu manylion y datblygiad arfaethedig, prosesau gweithredol a'r galw a nodwyd ar gyfer y cyfleuster.
- 5.7 Fel y nodir uchod, mae'r bwriad eisiau trin hyd at 50,000 tonnell o wastraff y flwyddyn, gydag uchafswm o 20,000 tonnell (tua 10,000m³) yn cael ei storio ar y safle ar unrhyw un amser. Mae'r mathau o wastraff a fwriedir eu mewnfurio a'u trin, fel yr hyn a ddiffinnir yng Nghannllaw Technegol Dosbarthiad Gwastraff WM3, sy'n cynnwys:
- 01 04 08 – graean gwastraff a cherrig mâl
 - 01 04 09 – tywod gwastraff a chlai
 - 17 05 04 – pridd a cherrig (ac eithrio'r rhai a nodwyd yn 17 05 03)
 - 17 01 01, 17 01 02, 17 01 03 – concridd, brics, teils a deunydd serameg
 - 17 01 07 - cymysgfa o goncridd, brics, teils a deunydd serameg (heb gynnwys y rhai y soniwyd amdanynt yn 17 01 06)
 - 17 03 02 – seiliau ffordd a phlaeniadau (ac eithrio'r rhai sy'n cynnwys tar glo)
 - 17 05 06 – gwastraff carthu (ac eithrio'r hyn a nodwyd yn 17 05 05)
 - 20 02 02 – pridd a cherrig
- 5.8 Byddai'r gwaith prosesu yn cael ei gyfyngu i driniaeth ffisegol, gan gynnwys sgrinio a thrin cysylltiedig, i gynhyrchu agreg nad yw'n wastraff yn unol â cynllun Protocol Ansawdd WRAP (*Waste and Resources Action Programme*).
- 5.9 Mae'r WPA yn nodi y cyfyd yr angen sylfaenol am y datblygiad hwn o'r bwriad i fewnfurio a phrosesu deunydd gaiff ei garthu o safle Carreg yr Imbill, Cyngor Gwynedd, sy'n gysylltiedig â gwaith carthu yn Harbwr Pwllheli. Yn ogystal, byddai'r bwriad yn galluogi Chwarel Cefn Graianog i arallgyfeirio ei gweithrediadau drwy ddarparu cynnyrch wedi ei ailgylchu ynghyd â deunydd gaiff ei dynnu o'r chwarel, gan felly ostwng y ddibyniaeth ar echdynnu adnoddau mwynau sylfaenol.
- 5.10 Ymhellach, mae'r datblygiad yn cefnogi egwyddorion yr economi gylchol trwy hyrwyddo ail-ddefnyddio ac adfer deunyddiau, lleihau creu gwastraff a gostwng yr angen i'w waredu i safle tirlenwi. Felly, ystyrir bod y bwriad yn cynrychioli ffurf cynaliadwy o ddatblygiad yn unol â pholisi cynllunio cenedlaethol a lleol.
- 5.11 Credir bod yr Asesiad Cynllunio Gwastraff a gyflwynwyd gyda'r cais yn gymesur â natur a graddfa'r datblygiad arfaethedig. Mae'r bwriad a gyflwynwyd gyda'r cais yn dderbyniol mewn egwyddor ac yn cydymffurfio â pholisïau a chanllawiau lleol a chenedlaethol ar yr egwyddor o drin gwastraff mewn ffordd gynaliadwy. Felly, mae'r datblygiad yn cydymffurfio gyda pholisïau PS21 a GWA 1 o Gynllun Datblygu Lleol ar y Cyd Gwynedd a Môn 2011 - 2026.

Mwynderau gweledol a'r dirwedd

- 5.12 Mae polisïau PCYFF 3, PCYFF 4, MWYN 3 a MWYN 9 o'r CDLI i gyd yn bolisïau perthnasol i'w hystyried o ran effaith weledol a'r dirwedd. Mae arwyddocâd posibl unrhyw dirwedd ac effeithiau gweledol yn cael eu pennu gan gyfuniad o faint y newidiadau a sensitifwydd lleoliad y dirwedd i newid.

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

- 5.13. Mae hwn yn gais i weithredu gwaith ar gyfer deunyddiau gwastraff anadweithiol, ailgylchu, sgrinio ac adfer yn chwarel Cefn Graianog. Bydd y datblygiad yn defnyddio iard llain galed bresennol y chwarel a ganiatawyd gan gais cynllunio C20/1065/22/AC.
- 5.14. Heblaw am adeiladu bwnd 1.5m ar hyd derfynau dwyreiniol a deheuol y safle, ni fydd y bwriad yn newid y safle presennol ac ni fydd unrhyw estyniad i ôl-troed y safle.
- 5.15. Mae'r asesiad effaith gweledol a'r dirwedd a gyflwynwyd fel rhan o'r cynigion datblygu ar gyfer rhiant-ganiatâd i'r gweithrediadau mwynau sy'n cynnwys gwerthusiad o'r datblygiad ynghyd â detholiad o leoliadau a *photomontages* a dynnwyd o'r pwyntiau gweld mewn ardaloedd cymeriad y dirwedd o fewn ac o amgylch y safle. Mae'r asesiad yn cynnwys gwerthusiad o'r dirwedd o amgylch yn nhermau'r AHNE, Parc Cenedlaethol Eryri, ynghyd â'r effaith leol. Lleolir tirwedd o ddiddordeb hanesyddol eithriadol 'Nantlle' tua 1000m i'r gogledd ddwyrain o'r chwarel bresennol, ac ni ystyrir y bydd y bwriad yn effeithio ar natur a ffabrig hanesyddol y dynodiad tirlun yma na phwysigrwydd diwylliannol yr ardaloedd chwareli llechi.
- 5.16. Mae'r peiriannau gwaith sgrinio/ailgylchu eisoes yn bresennol ar y safle a byddant yn aros yn yr ardal brosesu a phentyrru stoc. O'r herwydd, dylid ei ystyried yng nghyd-destun y gwaith a'r peiriannau sefydledig, fel a ddangosir yn Lluniad Rhif KD.CFN.3.D.003. Mae'r peiriannau gwaith yn symudol ac yn amlwg yn llai o ran graddfa o'i gymharu gyda'r gweithrediadau prosesu mwynau presennol a wneir ar hyn o bryd ar y safle. O gofio bod y datblygiad mewn gwaith mwynau eisoes wedi ei sefydlu, ni ystyrir y byddai yn golygu lefelau mawr o effaith weledol.
- 5.17. Bydd y datblygiad arfaethedig yn cael ei gyfyngu o ran amser i gyd-fynd â'r caniatadau mwynau cysylltiedig, a bydd y gwaith o adfer y safle yn cael ei wneud yn unol â'r cynlluniau a gymeradwywyd yn flaenorol. Bydd hyn yn sicrhau bod y bwriad ddim yn cyfaddawdu'r gwaith o adfer y safle mwynau sy'n ofyniad o bolisi MWYN 9 o'r CDLI ar y Cyd.
- 5.18. O fewn cyd-destun cyffredinol safle presennol y Chwarel, mae'r dirwedd a nodwyd a'r newidiadau gweledol â lefel gyfyngedig o effaith ac ni fyddai yn golygu unrhyw lefelau mawr o effaith weledol. Felly, os cedwir yr amodau presennol, ystyrir bod y cais yn cydymffurfio â gofynion polisiau AMG 1, PCYFF 3, PCYFF 4, a MWYN 9 y CDLI ar y Cyd.

Mwynderau cyffredinol a phreswyl

- 5.19. Mae'r bwriad ar gyfer gweithrediad deunyddiau gwastraff anadweithiol, ailgylchu, sgrinio a gwaith adfer yn chwarel Cefn Graianog sydd oherwydd ei natur yn debyg iawn i'r math o seil-waith sydd wedi bod yn weithredol ar y safle am nifer o flynyddoedd, a sydd wedi bod yn amodol i reoliadau amgylcheddol drwy amodau cynllunio, neu Hawlenni Amgylcheddol.
- 5.20. Er nad ydynt yn benodol berthnasol i ddatblygiad gwastraff, mae'r gweithrediadau mwynau o natur debyg ac maent wedi cael eu hasesu yn erbyn polisiau MWYN 3 a MWYN 5 y Cynllun Datblygu Lleol ar y Cyd a MTAN 1 Cymru; Agregau. Mae'r polisiau yn gofyn bod datblygiadau mwynau ddim yn peri niwed annerbyniol i fwynderau neu iechyd trigolion o ran effaith weledol, lefelau llwch, sŵn, dirgryniad a golau o ganlyniad i'r gwaith gweithredu ei hun a'r pellter byffer gwahanu a argymhellir o 100m.
- 5.21. Nid oes unrhyw eiddo sensitif wedi'i leoli o fewn parth byffer 100m o'r datblygiad hwn ac mae'r bwriad ar gyfer gweithrediadau o natur debyg. Bydd y safle yn amodol i'r un amodau gweithio fel y rhai presennol, gan gynnwys rheoli sŵn, llwch ac oriau gweithio, mae larymau sŵn gwyn wedi eu gosod ar beiriannau'r gwaith i leihau aflonyddu ac ati. Mae Gwasanaeth Gwarchod y Cyhoedd y Cyngor wedi cadarnhau nad ydynt yn gwrthwynebu'r datblygiad arfaethedig.
- 5.22. Ystyrir felly, yn ddarostyngedig i amodau priodol i reoli effeithiau sŵn a llwch ac oriau gweithio, na fydd y bwriad yn cael effaith andwyol ar fwynderau'r ardal ac felly mae'n cydymffurfio â pholisi PCYFF 2 a GWA 1 Cynllun Datblygu Lleol ar y Cyd Gwynedd a Môn 2011 - 2026.

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

Materion traffig, Hawliau Tramwy Cyhoeddus a Thir Comin

- 5.23 Nid yw'r bwriad yn cynnwys unrhyw addasiadau i'r trefniadau mynediad bresennol, ac ni ragwelir y bydd yn golygu cynnydd mewn symudiadau trafniadaeth. Mae hyn oherwydd y disgwylir i symudiadau cerbydau sy'n gysylltiedig â'r datblygiad fantoli y rhai sydd ar hyn o bryd yn gysylltiedig â gweithrediadau mwynau.
- 5.24 Ystyrir bod safon y rhwydwaith ffyrdd presennol yn ddigon da i ymdopi â'r llif traffig ychwanegol a ragwelir o'r safle. Ymhellach, ni fyddai hawliau tramwy cyhoeddus yn cael eu heffeithio yn andwyol, yn ddarostyngedig i osod amod cynllunio priodol.
- 5.25 Felly, ystyrir bod y datblygiad yn cydymffurfio â Pholisïau PS 4 a TRA 4 o Gynllun Datblygu Lleol ar y Cyd Gwynedd a Môn (2011-2016).

Materion ecolegol a bioamrywiaeth

- 5.26 Mae'r cais hwn yn benodol ar gyfer gweithrediad deunyddiau gwastraff anadweithiol i ailgylchu, sgrinio ac adfer yn chwarel Cefn Graianog ac nid yw yn cynnwys estyniad na newidiadau ffisegol sylweddol i'r ardal weithio sydd eisoes wedi'i chymeradwyo.
- 5.27 Ar 7 Chwefror 2024, cyhoeddodd Llywodraeth Cymru ddiweddariad i Bennod 6 Polisi Cynllunio Cymru (PCC), sy'n ymdrin ag isadeiledd gwyrdd, gwerth net i fioamrywiaeth, y gwarchodaeth a roddir i Safleoedd o Ddiddordeb Gwyddonol Arbennig a choed a choetiroedd. Mae'r ymgeisydd wedi darparu Datganiad Isadeiledd Gwyrdd (GIS) sydd wedi dilyn y dull fesul cam ym mhennod 4. Mae'r dull fesul cam yn hierarchaeth o gamau gweithredu sy'n cael eu defnyddio i gyfyngu ar effaith y datblygiad ar fioamrywiaeth.
- 5.28 Nid yw uned bioamrywiaeth y cyngor wedi cynnig unrhyw wrthwynebiad ac maent yn nodi bod y Datganiad Isadeiledd Gwyrdd yn dderbyniol.
- 5.29 Mae'r cynnig felly'n cydymffurfio gyda gofynion Polisi Strategol PS 19 a Pholisi AMG 3, AMG 5 a GWA 1 Cynllun Datblygu Lleol ar y Cyd Gwynedd a Môn 2011 - 2026.

Asesiad Rheoliadau Cynefinoedd

- 5.30 Fel yr awdurdod cymwys dan reoliad 63 o Reoliadau Cadwraeth Cynefinoedd a Rhywogaethau 2017 (fel y'i diwygiwyd), mae'n rhaid i Gyngor Gwynedd gynnal asesiad cyn penderfynu rhoi caniatâd ar gyfer prosiect sy'n debygol o gael effaith sylweddol ar safle ddynodedig.
- 5.31 Mae'r datblygiad wedi'i leoli agosaf at safle dynodedig ACA Corsydd Eifionydd ac mae'n cynnwys pedwar SoDdGA sy'n cynnwys Cors Llanllyfni (1.5km i'r gogledd), Cors Gyfelog (1km i'r de), Cors y Wlad (2.5km i'r de-orllewin) a Chors Graianog (5km i'r de-ddwyrain). Mae'r ACA wedi ei dynodi oherwydd nodweddion sy'n cynnwys mignenni trawsnewidiol a chorsydd crynu, glöyn byw brith y gors a mwsogl pluog main gwyrdd. Mae'r amcanion cadwraeth yn canolbwyntio ar gynnal y cynefinoedd a'r rhywogaethau hyn, cefnogi ystod amrywiol o amodau maetholion, sy'n cynnal fflora a ffawna cysylltiedig, ac yn sicrhau rheolaeth briodol o'r cynefin ar draws y safleoedd cydrannol.
- 5.32. Mae'r bwriad yn gofyn am ganiatâd i ailgylchu, sgrinio deunyddiau gwastraff anadweithiol a gwaith adfer yn Chwarel Cefn Graianog. Er bod y gwaith wedi ei gyfyngu i ran o'r iard brosesu bresennol, mae'r datblygiad wedi ei asesu yng nghyd-destun gweithrediadau ehangach y chwarel. Lleolir y gwaith y tu allan i'r ACA ac nid yw wedi ei gysylltu yn hydrolegol nac yn ffisegol gyda unrhyw un o'i safleoedd cydrannol. O'r herwydd, ni fydd unrhyw gynefinoedd uniongyrchol yn cael eu colli.

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

- 5.33 Mae system lagŵn '*closed loop*' yn ei lle i reoli dŵr wyneb ac i atal llygredd, gan sicrhau nad oes unrhyw effaith andwyol i hydroleg yr ACA. Yn ychwanegol, bydd y datblygiad yn gweithredu yn unol â'r arferion gorau i atal llygredd, gan gynnwys mesurau ar gyfer trin dŵr, cadw deunyddiau peryglus a sut i ymateb pe byddai gollyngiad argyfwng.
- 5.34 Yr unig lwybr posib a fedrai effeithio ar y safle fyddai'r allyriadau llwch. Fodd bynnag, mae'r datblygiad yn golygu sgrinio, didoli a chyfuno gweithgareddau yn unig, ac nid oes bwriad i falu dim, gan felly gyfyngu ar faint o lwch a gynhyrchir. O ystyried y pellter gwahanu o tua 382 metr i derfyn yr ACA, byddai disgwyl i unrhyw allyriadau llwch ledaenu cyn cyrraedd y safle. Mae'r risg yn cael ei lleihau ymhellach drwy'r mesurau lliniaru a nodir yn y Cynllun Rheoli Allyriadau Llwych (DEMP).
- 5.35 Mae'r caniatadau sy'n parhau i fodoli ar gyfer y chwarel wedi cael eu hasesu o'r blaen dan y Rheoliadau Cynefinoedd, a'r casgliad oedd na fyddai'r datblygiad yn debygol o gael effaith arwyddocaol ar yr ACA. O ystyried natur y bwriad, y pellter gwahanu a'r mesurau lliniaru sydd wedi eu gwreiddio, nid oes unrhyw lwybrau credadwy wedi eu nodi a fyddai yn golygu effeithiau andwyol ar nodweddion cymhwyso ACA Corsydd Eifionydd.
- 5.36 Mae CNC wedi cadarnhau eu bod yn cytuno gyda chasgliad yr Awdurdod Cynllunio Lleol sef ei bod y tu hwnt i bob amheuaeth wyddonol resymol, na fyddai'r bwriad yn effeithio yn andwyol ar gyfanrwydd y safle dynodedig, yn amodol i weithredu'r mesurau a'r amodau lliniaru a nodwyd.

Hydroleg a Hydroddaeareg

- 5.37 Cyhoeddodd Llywodraeth Cymru NCT 15 diwygiedig ar 31 Mawrth 2025. Teitl y NCT 15 diwygiedig yw 'Datblygu, llifogydd ac erydu arfordirol' ac mae'n cynnwys Cylchlythyr 002/2025 'Canllaw ar Gyfarwyddyd Cynllunio Gwlad a Thref (Datblygu Ardal Risg Llifogydd) (Hysbysiad) (Cymru) 2025' a llythyr o eglurhad gan Brif Gynllunydd Cyfarwyddiaeth Cynllunio Llywodraeth Cymru. Mae adran 1 y TAN 15 newydd yn nodi "Mae'r ddogfen hon yn disodli Nodyn Cyngor Technegol 14, a gyhoeddwyd ym 1998 a Nodyn Cyngor Technegol 15, a gyhoeddwyd yn 2004. Ni ddylai Cynlluniau Datblygu a phenderfyniadau cynllunio gyfeirio at y dogfennau hynny mwyach."
- 5.38 Mae ardal fechan o ran ddwyreiniol safle'r cais wedi'i leoli mewn 'Parth Llifogydd 2 a 3 Dŵr Wyneb a Chyrsiau Dŵr Bach' ar y Map Llifogydd ar gyfer Cynllunio. Prif bwrpas y system gaeedig o lagwnau yw ategu'r isadeiledd rheoli dŵr presennol er mwyn atal hyn rhag digwydd. Mae'r safle rheoli dŵr wedi ei ddylunio yn benodol er mwyn sicrhau capasiti digonol i reoli'r holl ddŵr chwarel ar y safle, h.y. fel system hunangynhaliol.
- 5.39 Bydd y system lagŵn '*closed-loop*' presennol yn ategu gwaith rheoli dŵr presennol y safle, sydd eisoes yn amodol i ganiatâd cynllunio, ac ni ystyrir fod ei gynnwys i'w ddefnyddio i reoli dŵr y bwriad ag unrhyw effaith amlwg ar y risg llifogydd i'r datblygiad.
- 5.40 Ni fu unrhyw wrthwynebiad na phryderon ynghylch draenio na'r risg llifogydd mewn ymateb i'r ymgynghoriad â Chyfoeth Naturiol Cymru na'r Awdurdod Llifogydd Lleol Arweiniol ac fe ystyrir felly na fydd y bwriad yn cael effaith andwyol ar y risg llifogydd a'i fod yn cydymffurfio â PCYFF 6 a gofynion NCT 15.
- 5.41 Ystyrir na fyddai'r datblygiad arfaethedig yn cael unrhyw effaith niweidiol ar nodweddion hydrolegol a pherygl llifogydd gan gydymffurfio â gofynion AMG 5, PCYFF 2, PCYFF 3, PCYFF 6 a GWA 1 o Gynllun Datblygu Lleol ar y Cyd Gwynedd a Môn 2011 - 2026.

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

Archaeoleg a threftadaeth ddiwylliannol

- 5.42 Bydd y datblygiad yn defnyddio'r llain galed bresennol yn yr iard brosesu mwynau ac ni fydd yn ymwneud ag unrhyw dir na chafodd ei styrbio yn flaenorol. O'r herwydd, ni ddisgwylir iddo gael unrhyw effaith ar fuddiannau archeolegol. Er bod Henebion Rhestredig o fewn 350m i'r safle, mae Cadw wedi cadarnhau nad oes ganddynt unrhyw wrthwynebiadau i'r bwriad.
- 5.43 Mae'r bwriad felly'n cydymffurfio gyda Pholisïau PS 20 Cynllun Datblygu Lleol ar y Cyd Gwynedd a Môn 2011-2016.

Yr Iaith Gymraeg

- 5.44 Dywed Polisi PS1 bod angen darparu Datganiad Ieithyddol gyda chynnig am "datblygiad manwerthu, diwydiannol neu fasnachol sy'n cyflogi mwy na 50 o weithwyr a/neu gydag arwynebedd o 1,000 metr sgwâr neu fwy". Mewn ymateb i'r angen hwn, mae'r ymgeisydd wedi darparu Datganiad Iaith Gymraeg. Mae Pennod 6 y datganiad wedi asesu effeithiau posibl y datblygiadau ar yr iaith a'r gymuned yn seiliedig ar symudiad iaith a phoblogaeth; elfennau gweledol; ansawdd bywyd a seilwaith cymunedol; cyflogaeth.
- 5.45 Bydd y cais hwn yn sicrhau parhad gweithlu lleol presennol Chwarel Cefn Graianog. Mae'r datblygiad yn debygol o gynnal siaradwyr Cymraeg yn y gymuned leol, fydd yn defnyddio'r iaith yn y gweithle.
- 5.46 Fodd bynnag, ar sail natur y cais a'r dystiolaeth sydd i law, ni ystyrir ei bod yn debygol y byddai'r cynnig yn cael effaith negyddol ar yr iaith Gymraeg. Felly, ystyrir bod y bwriad yn cydymffurfio â pholisi PS 1 a'r arweiniad a gynhwysir yn y CCA Cynnal a Chreu Cymunedau Ffyniannus a Chynaliadwy.

Yr economi

- 5.47 Mae Nodyn Cyngor Technegol 23: Datblygiad Economaidd, yn datgan: wrth wneud penderfyniad ar geisiadau cynllunio, bydd angen i awdurdodau cynllunio lleol gadw mewn cof bod defnydd busnes traddodiadol, dosbarthiadau B1–B8 ond yn cyfrif am ran o'r gweithgaredd yn yr economi. Mae'n bwysig bod y system gynllunio yn cydnabod agweddau economaidd pob datblygiad ac yn gwneud penderfyniadau cynllunio mewn modd cynaliadwy sy'n cadw cydbwysedd rhwng ystyriaethau cymdeithasol, amgylcheddol ac economaidd. Mae'n nodi ymhellach; Dylai awdurdodau cynllunio lleol gydnabod arwyddion y farchnad a rhoi sylw i'r angen i dwys datblygiad economaidd i'r lleoliadau mwyaf addas yn hytrach na rhwystro neu atal y fath ddatblygiad.
- 5.48 Bydd y cynnig i ehangu gweithrediadau yn Chwarel Cefn Graianog yn cynnwys cyfleuster ailgylchu, yn cefnogi'r economi leol drwy gynnal ac efallai gwella cyflogaeth uniongyrchol ac anuniongyrchol sy'n gysylltiedig â gweithrediadau'r chwarel. Yn unol â Pholisi Strategol PS 5 (Datblygiad Cynaliadwy) a Pholisi PS 13 (Darparu Cyfle i Economi Ffyniannus) o Gynllun Datblygu Lleol ar y Cyd Gwynedd a Môn, mae'r datblygiad yn cyfrannu at gynnal economi gwledig hyfyw a chefnogi cyfleoedd cyflogaeth yn y sector mwynau.
- 5.49 Ymhellach, cydnabyddir bod cadw'r gweithlu lleol â buddion cymdeithasol a diwylliannol ehangach, gan gynnwys cefnogi hyfywedd a'r defnydd o'r Gymraeg yn unol â pholisi Strategol PS1 (y Gymraeg a'i Diwylliant). Felly, ystyrir bod y bwriad yn cyflawni canlyniadau cymdeithasol-economaidd cadarnhaol yn unol ag amcanion cyffredinol y Cynllun Datblygu.
- 5.50 Bydd y bwriad felly yn gwneud cyfraniad positif i economi'r ardal ac yn unol â Pholisi Strategol PS 13 y Cynllun Datblygu Lleol ar y Cyd a NCT 23.

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

6. Casgliad:

- 6.1 Mae'r bwriad eisiau ailgylchu gwastraff anadweithiol yng Nghefn Graianog i gynhyrchu agregau eilaidd, sy'n gyson gyda ei ddyraniad fel safle rheoli gwastraff dan Bolisi GWA 1. Byddai yn prosesu hyd at 50,000 tonnall yn flynyddol, gan gefnogi economi cylchol a gostwng dibyniadwyedd ar echdynnu mwynau sylfaenol. Yn gyffredinol, ystyrir bod y datblygiad yn dderbyniol mewn egwyddor ac yn cydymffurfio â pholisi cenedlaethol a pholisiau PS 22 a GWA 1 yn y Cynllun Datblygu Lleol ar y Cyd.
- 6.2 Mae'n annhebygol y bydd unrhyw newid amlwg yn amodau gweithio'r safle na newid i effaith weledol y gwaith ac ni fydd y datblygiad yn tynnu oddi wrth nodweddion cadarnhaol y dirwedd yn unol â pholisi PS 19, AMG 3, AT 1, MWYN 3 a MWYN 9 Cynllun Datblygu Lleol ar y Cyd Gwynedd a Môn 2011-2026.
- 6.3 Nid oes unrhyw faterion polisi cynllunio sy'n ddigon arwyddocaol i gyfiawnhau gwrthod rhoi caniatâd cynllunio, ac mae'r materion sy'n ymwneud â rheolaethau sŵn, llwch ac amgylcheddol bellach yn faterion sydd wedi hen sefydlu ar y safle hwn. Ystyrir felly, yn ddarostyngedig i amodau priodol i reoli effeithiau sŵn a llwch ac oriau gweithio, ni fydd y cynnig yn cael effaith andwyol ar fwynderau'r ardal ac felly mae'n cydymffurfio â pholisi PCYFF 2, Cynllun Datblygu Lleol ar y Cyd Gwynedd a Môn 2011 - 2026.
- 6.4 Yn ogystal, mae'r bwriad yn debygol o wneud cyfraniad positif i economi'r ardal yn unol â Pholisi Strategol PS 13 o Gynllun Datblygu Lleol ar y Cyd Gwynedd a Môn 2011-2026.

7. Argymhelliad:

- 7.1 Dirprwyo'r hawl i Bennaeth yr Adran Amgylchedd gymeradwyo'r cais, gydag amodau'n ymwneud â'r canlynol:
1. Datblygiad i ddechrau o fewn 12 mis o ddyddiad y caniatâd.
 2. Daw'r gweithrediadau i ben erbyn 31/12/2028. Adfer y safle erbyn 30/06/2029 (i gyfateb i ganiatâd mwynau cyf. C24/1126/34/AC).
 3. Yn unol â'r cynlluniau a gymeradwywyd.
 4. Marcio ffiniau ardal y caniatâd ac adeiladu pwynt casglu dŵr wyneb gan gynnwys bwnd i'w gadw ar y safle cyn dechrau ar y datblygiad.
 5. Cyfyngu ar yr hawliau datblygu a ganiateir, adeiladau, codi strwythurau, ffyrdd preifat, llifoleuadau a ffensys.
 6. Ni fydd unrhyw beth heblaw deunyddiau gwastraff anadweithiol yn cael eu mewnfario i'r safle (Codau Gwastraff wedi eu nodi yn yr Asesiad Cynllunio Gwastraff). Dylai archwiliad o'r deunydd fod ar gael ar gais.
 7. Ni chaniateir cludo mwy na 50,000 tonnall o ddeunyddiau gwastraff anadweithiol i'r safle fesul blwyddyn. Ni fydd mwy na 20,000 tonnall yn cael ei storio ar y safle ar unrhyw un amser.
 8. Oni chytunwyd fel arall yn ysgrifenedig, bydd manylion lleoliad a manylebau unrhyw lifoleuadau yn cael eu cyflwyno er cymeradwyaeth yr Awdurdod Cynllunio Gwastraff cyn y gwaith gosod.
 9. Oriau Gweithio. (yn cyd-fynd â'r presennol).
 10. Cyfyngiadau sŵn (yn cyd-fynd â'r presennol).
 11. Cynllun Rheoli Sŵn i'w gyflwyno cyn pen 3 mis o gael caniatâd.
 12. Bydd yr holl gerbydau, offer a pheiriannau a weithredir yn y safle yn cael eu cynnal yn y fath fodd fel ag i gyfyngu uchafswm lefelau allyriadau sŵn i'r rhai a nodir ym manyleb y gweithgynhyrchwr. Ni fydd unrhyw gyfarpar, offer na pheiriannau yn cael eu gweithredu ar y safle oni bai eu bod wedi eu gosod gyda sgriniau atal sŵn, 'casework', caeadau a distewyddion.
 13. Ni fydd unrhyw weithrediadau yn digwydd ar y safle yn y fath fodd fel ag i achosi i lwch dihangol godi a bydd system chwistrellu dŵr neu system atal llwch yn cael ei chynnal ar y safle bob amser ynghyd â chyflenwad digonol o ddŵr. Bydd deunyddiau stoc gaiff eu pentyrru a'r ardal-

PWYLLGOR CYNLLUNIO	DYDDIAD: 15/06/2026
ADRODDIAD PENNAETH CYNORTHWYOL YR ADRAN	

oedd ble mae cerbydau olwynion yn teithio arnynt neu ble mae'r gwaith o drin neu symud deunyddiau yn digwydd yn cael eu dyfrio neu fel arall yn cael eu trin ar adegau neu gyfnodau fel sydd angen i atal llwch o'r fath rhag codi.

14. Dylid sicrhau bod arwyneb y fynedfa i'r ffordd gyhoeddus yn cael ei chadw yn rhydd rhag llaid a malurion eraill a'i bod yn cael ei chadw bob amser mewn cyflwr derbyniol i'r Awdurdod Cynllunio Gwastraff gan sicrhau bod llaid yn cael ei atal rhag cael ei ddyddodi ar y ffordd gyhoeddus.
15. Gosodir gorchuddion ar loriau sy'n gadael ac yn cyrraedd y safle gyda cherrig neu ddeunydd sy'n llai na 500mm.
16. Cyfyngu ar fynediad cerbydau i'r trefniadau mynediad presennol.
17. Bydd copi o'r penderfyniad hwn â'r cynlluniau a gymeradwyir sy'n dangos y dull a chyfeiriad y gweithio a'r gwaith adfer yn cael ei ddangos yn swyddfa gweithredwr y safle a thrwy'r amser yn ystod oes y safle.
18. Bydd y modd ymarferol gorau a/neu larymau gwrthdroi 'sŵn gwyn' yn cael eu gosod ar beirianau symudol a cherbydau a ddefnyddir ar y safle.
19. Bydd olew, tanwydd a chemegau yn cael eu cadw ar leoliad anhydraidd gyda bwndiau.
20. Bydd y gweithredwr yn monitro'r safle ar gyfer presenoldeb rhywogaethau planhigion ymledol nad ydynt yn gynhenid, yn ystod pob gwedd o'r datblygiad, gan ganolbwyntio ar Lysiau'r Dial a gweithredu mesurau rheoli fel sy'n briodol.
21. Adfer ac Ôl-ofal (yn cyfateb i'r presennol).